

Чин литии в Пасхальный период, совершаемой мирянином дома и на кладбище

Молитвами святы х отец наших, Господи, Иисусе Христе, Боже наш, помилуй нас. Аминь.

Христос воскресе из мертвых, смертью смертью поправ и сущим во гробех живот даровав. **(трижды)**

Канон Пасхи, глас 1-й

Ирмос 1-й песни: Воскресения день, просветимся, людие: Пасха, Господня Пасха! От смерти бо к жизни, и от земли к небеси, Христос Бог нас преведе, победную поющая.

Припев: Христос воскресе из мертвых.

Ирмос 3-й песни: Приидите, пиво пием новое, не от камени неплодна чудодеемое, но нетления источник, из гроба одождивша Христа, в Нем же утверждаемся.

Припев: Христос воскресе из мертвых.

Ирмос 4-й песни: На божественной стражи богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскресе Христос, яко всемогущ.

Припев: Христос воскресе из мертвых.

Ирмос 5-й песни: Утренюем утреннюю глубокоу, и вместо мира песнь принесем Владыце, и Христа узрим, Правды Солнце, всем жизнь возсияюща.

Припев: Христос воскресе из мертвых.

Ирмос 6-й песни: Снизшел еси в преисподняя земли и сокрушил еси верей вечныя, содержащий связанныя, Христе, и тридневен, яко от кита Иона, воскресл еси от гроба. Господи, помилуй. **(трижды)**

Кондак Пасхи, глас 8:

Аще и во гроб снизшел еси Безсмертне, но адову разрушил еси силу, и воскресл еси, яко победитель, Христе Боже, женам мирносицам вещавый: радуйтеся, и Твоим апостолом мир даруяй, падшим подай воскресение.

Ирмос 7-й песни: Отроки от печи избавивши, быв человек, страждет, яко смертен, и страстию смертное в нетления облачит благолепие, Един благословен отец Бог и препрославлен.

Припев: Христос воскресе из мертвых.

Ирмос 8-й песни: Сей нареченный и святой день, един суббот Царь и Господь, праздников праздник, и торжество есть торжеств: вонже благословим Христа во веки.

Припев: Христос воскресе из мертвых.

Ирмос 9-й песни:

Ангел вопияше Благодатней:

Чистая Дево, радуйся, и паки реку: радуйся; Твой Сын воскресе тридневен от гроба, и мертвыя воздвигнувый, людие веселитесь!

Светися, светися, новый Иерусалиме, слава бо Господня на Тебе возсия. Ликуй ны не и веселися Сионе. Ты же, Чистая, красуйся, Богородице, о востании Рождества Твоего.

Ексапостиларий

Плотию уснув, яко мёртв, Царю и Гóсподи, триднёвен воскрёл есй, Адама воздвиг от тли, и упразднив смерть: Пасха нетления, мира спасение. **(дважды)**

Аще мощно, поем **Стихиры Пасхи**:

Стих: Да воскреснет Бог, и расточатся вразй Его.

Пасха священная нам днесь показася: Пасха нова, святая: Пасха таинственная: Пасха всечестная: Пасха, Христос Избавитель: Пасха непорочная: Пасха великая: Пасха верных: Пасха, двери райския нам отверзающая: Пасха, всех освящающая верных.

Стих: Яко исчезает дым, да исчезнут.

Приидите от видения, жены благовестницы, и Сиону рците: приими от нас радости благовещения Воскресения Христова: красуйся, ликуй и радуйся, Иерусалиме, Царя Христа узрев, из гроба, яко жениха происходяща.

Стих: Тако да погибнут грешницы от лица Божия, а праведницы да возвеселятся.

Мироносицы жены, утру глубокоу представша гробу Живодавца, обретоша Ангела на камени сядяща, и той, провещав им, сиче глаголаше: что ищите Живаго с мёртвыми? Что плачете Нетлённаго во тли? Шедше, проповедите учеником Его.

Стих: Сей день, егóже сотвори Господь, возрадуемся и возвеселимся вонь.

Пасха красная, Пасха, Господня Пасха! Пасха всечестная нам возсия. Пасха! Радостию друг друга обымем. О, Пасха! Избавление скорби, ибо из гроба днесь, яко от чертога, возсияв Христос, жены радости исполни, глаголя: проповедите апостолом.

Слава Отцú и Сы ну и Святому Дúху, и ны не, и присно, и во веки веко́в. Ами́нь.

Воскресения день, и просветимся торжеством, и друг друга обымем. Рцем, братие, и ненавидящим нас, простим вся Воскресением и тако возопи́м: Христос воскресе из мёртвых, смёртию смерть поправ и сущим во гробéх живот даровав.

Гóсподи, помíлуй. **(12 раз)**

Упокой, Гóсподи, дúшу усопшего (усопшия, усопших) раба Твоего (рабы Твоея, раб Твоих) (имя) и прости ему вся согрешения вольная и невольная, и даруй ему Цáрствие Небесное.

Честнейшую Херувим и славнейшую без сравнения Серафим, без нетления Бóга Слова рождшую, сущую Богородицу Тя величаем.

Слава Отцú и Сы ну и Святому Дúху, и ны не, и присно, и во веки веко́в. Ами́нь.

Гóсподи, помíлуй **(трижды)**, благослови.

Молитвами святы́х отец наших, Гóсподи, Иису́се Христé, Бóже наш, помíлуй нас. Ами́нь.

Во блаженном успении, вечный покой подаждь, Гóсподи, усопшему (усопшей, усопшим) рабу Твоему (имя) (рабе Твоей, рабам Твоим) и сотвори ему (ей, им) вечную память.

Вечная память **(трижды)**.

Христос воскресе из мёртвых, смёртию смерть поправ и сущим во гробéх живот даровав **(трижды)**.

И нам дарова живот вечный, поклоняемся Его триднёвному воскресению.

И обращаемся к лежащим в могиле со словами: **ХРИСТОС ВОСКРЕСЕ !**